

JAUNAREN ERRIAN ASKE TA BARDIN

Ainbeste zapalkuntza egoan lurtean, ezbardintasanak kendu ta anaitasunez bizi al izateko, Moisesek emon zituan legeak aztertutea gauza egoki ta ardura aundikoa da. Anaien artean alkar onartu ta ezbardintasanak kentzea izango litzake gauza egokia ta elburu bidezkoa.

Benetan, iñoren izerdien xurgari ta ondasunen bereganatzaile iñork ez leuke izan bear, ta zoritxarrez, munduko giza-anaidia saminduta dauka norberekerizko jokabide onek.

LURRA

Lenengo ta bein, lur banatzearen gora-beran, Moises ardura aundiz ibili zan. Jaungoikoak Moisesi itz egin ta esan eutson... Gizonei diran aiñean, erentzi bezela, lurra banatu-ko deutsezu.

Geiago diranei parte aundiagoa ta gitxiago diranei parte txikiagoa.

Zentso edo zenbatzaren eran, baktzak bere erentzi edo ondarea artuko dau, baiña banatzea zozketaz egingo dozu. Znb,26,52-55.

Lurrak banandu ondoren, lurren banaketa au, gauza bidezko, zuzen ta santutzat artu bear litzake. Auxe da benetan, Jaungoikoaren guraria giza- seme- alaba guztien alde, bera bai-da guztien Aita... Zure Jaun Jaungoikoak emoniko lurretan, arbasoak jarri zituen mugariei, ikuturik ez dautsazue egingo. Zn I9, I4... Urko lagunaren mugariak aldatzen dituana, zorigaiztokoa izango da. Dt, 27, I7.

Zuzentasun onetarako, lurrik saldu ezin al izatea, garrantzi aundiko gauzea da.

Lurra nerea da-ta, lurrak betirako ezin leitekez saldu. Ab. 25,23.

Baserritar batek edozein esturaldi dala-ta, dirua bear badau, lurra saldu leike, baiña ez betirako. Urte batzuetarako errentan, emon leike bakarrik. Ab, 25, 23-28.

JUBILEOA

Berrogeta amar urtetik berrogetamarrera urte santua, Jubileo urtea jarrita egoan. Urte orretan ondasun banaketa barria egiten zan. Erositako lur guztiak lengo ugezabarengana, ezer ordaindu barik, atzera biurtzen ziran. Ab, 25,8-I7.

ZAPATU-URTEA

Urte Santuaz gaiñera, zazpi urtetik zazpi urtera Larunbat urtea ospatzen zan. Ta orduan zor guztiak parkatu, bear ziran.

Ta olan, ondasunak gitxi batzuen eskuetan ezin pillatu eikezan, geientsuenen galtze ziurragaz. Dt, I5,2-4.

BEARTSUAK

Jaungoikoak ez dau askatasunik kentzen, ta gizonak bere norkeri maltzurra dala-ta, beti ez zituan ondo betetu bere Egilleak emoniko lege oneik. Jaungoikoak ba-ekian gizonen artean, beartsuak beti izango zirela lurtean. Dt, I5-II.

Jaungoikoak beartsuak, oroz goitik, maite ditu. Aitak ezin ikusi ditu ba semerik maiteen ta beartsuenak gal-zorian. Ori-gaitik dabil deika ondasundunei, aginpidedunei ta giza-diko beste jakintsuei ta edozein beste laguneri lurreko gose ta samiña urrindu daitezen munduko bere semeen gizarretik.

Negarrezko erbeste onetan beartsuak beti izango dira. Ori dala-ta, zure inguruan bizi diranekin esku-zabala izan zaite. Dt, I5, II.

LEGE BARRIAN

Jaungoikoa eten barik dabil, gizadiaren legeak itzartu ta biotza errukitu-erazo nairik.

Bere asmoa besterik ez da, gizonaren samiña kentzea baiño.

Berak izadia sortu eban ta lur ta itxasoaren ondasunetatik danak egoki bizi izatea nai dau.

Zure anaia txirotuten ba-da, ta laguntza eskatzen ba-dautzu, zure etxean artu egizu. Jaungoikoaren bildurra izan egizu ta zeugaz bizi dedilla anaia. Ab, 25,35,36.

Lege Zarreko agindu oneik, gero, Lege Barrian, Jesusen aginduekin indar-barrituta ta sendotuta dagoz, Jesus berberak esan euskun eran. Ni Testamentu Zarra kentzen ez nator, osotzen baiño.

BETI BEARTSUAK

Iru urtetik iru urtera uzta ta laboreak auzotar beartsueri emon bear eutseezan. Dt, I4,27,28., 26,II-13... Munduan ez dago ez erri ta ez laterririk beartsuen alde olako laguntzarik emon dauanik. Jaungoikoa ba, bere erriagaz, beti izan da errukiorra ta ezin dau zentzun gabeko zapaltzerik ikusi lurtean. Ta orrez goitik, munduko errialde batzuen urritasuna, gose ta iltea ikusirik, deika dago erri aberatsen ateetara, anaienganako dei larria egiten dau.

EURAI ONDAKINAK

“Zure alorrean garia ebagikeran, apurren bat aztuta izten ba-do zu, aren billa ez joan, arrotzarentzat, alargunarentzat ta ume-zurtzarentzat utzi egizu”. Onako irudi ederren bidez Jaungoikoak dei egiten deusku, gero, on egiñaren orde, betiko bizirako sari aundi bat eskeinirik. Dt, 24,I7-I9.

Olio ondoa batukeran, zeatz biltzen ez zaite ibili. Arrotzarentzat ta ume-zurtzarentzat itzi egizu. Izan egizu gogoa Ejipton jopu izan ziñela, orregaitik lege ori bete dagizula agintzen dautzut gaur.

Jaungoikoak biotz samurtasuna beste era batzuetara be agertu eban. Zuen lurretako garia batu dagizuenean, ez ebagi garia soloko ertzetaraiño, ezta ebagitean geratzen diran ondarrak batu be. Zure maastian be ez dozuz maats-ondarrak batuko, jausitako igaliak be ez dozuz zure baratzetatik jasoko, itzi egizuz beartsu ta arrotzarentzat. Ab, I9, 9-I0...

ALPERRAK

Baiña munduan ba-dira-lanik egin nai ez dabenak be. Berezkoa dan lez, arau oneik ez dira alperren alderako emon. Emen aitatu diran ondasun-laguntzak antolamen bat aztertuta bear geratu ez dedin.

Alperrentzat liburu santuak bere irakatsia emon dau. Noz arte egongo zara lotan nagi ori... Noz jagiko zara zure loalditik... Une bat lotan, une bat erdi-lotan, une bat etzunda, besoak lotuta. Bidazti bat lez etorriko jatzu bear gorria eta kea begientzat.